

NIA VOĈO

Madrida Esperanto-Liceo

San Alejandro 6-4°B-Ext. 28005 Madrid
(Nur poŝta adreso)

Ni kunvenas lunde je la 18,30 en Rodríguez San Pedro 13-3º-7

Redaktas kaj eraras: Lupe Sanz

MARTO 2007

IBERIA RENKONTIĜO 2007. (I-ro 2007)

Okazos en Madrido inter la 9-a kaj la 11-a de marto en la junulargastejo "San Fermín" (Kvartalo Villaverde de Madrido). Organizas HEJS, Juna Sekcio de HEF.

Pli da informoj : www.esperanto.es/iro2007/index.htm

ESPERANTO EN AMASMEDIOJ

La koruso "Verda Stelo" kiun aŭspicias Madrida Esperanto-Liceo partoprenis dum la Sankta Meso kiun elsendis TVE-2 la dimanĉon 4-an de februaro el la preĝejo "San Francisco el Grande" de Madrido. Ĝi kantis "Ave María"-n en esperanto.

Augusto Casquero estis intervjuita en Pola Radio, dum la aranĝo "Arkones" en Poznan (Pollando). "Onda Madrid" intervjuis al Pedro Hernández en vespera programo.

E-ILO POR TRADUKI

La "Institut Universitari de Lingüística Aplicada", asociita al la Universitato Pompeu Fabra, de Barcelono, kunlabore kun la Universitato de Alakanto kaj kun Kataluna Esperanto-Asocio, startigos komence de Marto projekton por la kreo de aŭtomata tradukilo por publika uzado en la Reto, de la kataluna kaj la kastilia lingvoj al Esperanto, al kiu estos aldonitaj poste aliaj lingvoj.

Du membroj de Kultura Asocio Esperantista, Luis Serrano Pérez kaj Santiago Torné Grau, ĝentile transdonis por tiu ĉi projekto la uzo-raĵon de sia antaŭnelonge publikigita "Diccionari Català - Esperanto".

ESPERANTO POŝTMARKO

En decembro aperis en Israelo la dua oficiala poŝtmarko dediĉita al esperanto. Sur ĝi aperas portreto de Zamenhof kun esperanto-teksto. Samtage ĝi estis stampita per unuataĝa porokaza stampo kaj iom poste aperos ankaŭ memorfolio, kiu surhavas la samajn poŝtmarkon kaj stampon.

EU-KONFORMA E-EKZAMENSISTEMO

Esperanto estas unu el la lingvoj elekteblaj por la ŝtataj hungaraj lingvo-ekzamenoj kaj tiel ĝi estas la unua, kiu konformas al la novaj eŭropuniaj normoj. Ekde septembro 2006 lingvokono de esperanto estas same mezurable kaj estas egalrajte agnoskata, kiel la aliaj fremdaj lingvoj.

EKSPOZICIOJ

La ekspozicio pri liberecana memoro plu vojaĝas. Nun en Zaragozo. En la paĝo http://www.memorialibertaria.org/spip.php?article208&id_document=199#documents_portfolio : oni povas vidi panelon kun la klara titolo "Esperanto".

Kun la helpo de Barcelona Esperanto-Centro kaj Hispana Esperanta Fervojista Asocio okazis en Barcelono "Exposició de postals, insignies i cartells en esperanto".

AKADEMIO DE ESPERANTO. ALFABETO

La Akademio de Esperanto konfirmas sian pozicion, jam esprimitan en 1982, ke la ortografio de Esperanto, kiel ĝi estas prezentita en la Fundamento de Esperanto, konformas perfekte al la karaktero de la lingvo, kaj ke neniu ŝanĝo estas necesa aŭ dezirinda.

Nur kiam la cirkonstancoj ne permesas uzi la ĝustajn supersignojn, kaj kiam pro apartaj bezonoj la Fundamenta anstataŭa skribsistemo (ch, gh, hh, jh, sh, u) ne estas oportuna, oni povas anstataŭigi la supersignajn literojn per aliaj signoj aŭ signokombinoj. Tian anstataŭigon, kiam ĝi estas nura teknika rimedo, ne celanta reformon de la ortografio de Esperanto, kaj kiam ĝi neniel kaŭzas konfuzon, oni ne rigardu kiel kontraŭ-Fundamentan.

Ekzistas ankaŭ aliaj cirkonstancoj, kiam nia lingvo estas prezentata alimaniere ol per la normala skribo, ekz. en stenografio, morse, brajle, per fonetika transskribo k.s., kaj kiam teksto esperanta estas konservata aŭ transsendata elektronike en cifereca formo laŭ diversaj kodsistemoj, kaj ankoraŭ aliaj similaj okazoj. Ankaŭ tiajn manierojn skribi, transskribi aŭ prezenti nian lingvon oni ne rigardu kiel kontraŭ-Fundamentajn.

Geraldo Mattos. Prezidanto de la Akademio de Esperanto

UEA AL LA NOBEL-PREMIO PRI PACO- 2008

La jaro 2008 estos la centjara jubileo de la fondo de UEA. Kaj ties celoj por la interkompreniĝo de la popoloj, ties ligiloj kun UN kaj UNESKO, ties agadoj dum la mondmilito kaj pli lastatempe en eks-Jugoslavio, Afganio kaj Centrafriko, objektivite pravigus la aljuĝon de la Pacpremio de 2008 al nia tutmonda asocio. Jam komencis la kampanjo por kolekti apogojn de eminentuloj kaj aliaj asocioj.

ESPERANTO EN INTERRETO

Per la retejo www.eklaboru.com oni povas trovi laboron aŭ laboranton per esperanto. Per la retpaĝaro dungonto kaj dungoto povas interkontaktiĝi .

Funkcias en Ĉinio ekonomia retejo en esperanto, pri NASDAQ kaj pri akciaj informoj: <http://ekonomio.net>
Oni kreis retan enciklopedion pri Madrido, laŭ la stilo de Vikipedio, ĝi nomiĝas Madripedia. Toño del Barrio jam verkis artikolon pri Esperanto en Madrido: <http://www.madripedia.es/wiki/Esperanto>. Vi povas ĝin kompletigi aŭ korekti. Ekzemple, oni ne mencias ĉu ekzistas broŝuroj pri Madrido en Esperanto. Aŭ oni povas aldoni eldonojn kaj literaturaĵojn.

HISPANA ESPERANTO-FEDERACIO

La Sekretariino, Carmen Suárez, deĵoras lunde vespere (17,00-20,30h), dum aliaj tagoj vi povas faksi aŭ telefoni al 91 446 80 79 (aŭtomata respondilo) aŭ kontakti rete: admin@esperanto.es

INFORMO pri la **Hispana Esperanto-Kongreso 2007** Palos (Huelva) ekde 5a ĝis la 8a de julio.
<http://congreso.esperanto-andalucia.org> (hispane) kaj
<http://kongreso.esperanto-andalucia.org> (esperante)

Dum la Ĝenerala Eksterordinara Kunveno de HEF (26-an de februaro en Madrido) oni aprobis la kontojn de la asocio por 2006.

HEF vendas po 4 eŭroj (5 kun sendo-kosto al Hispanio) la DVD (por uzi en komputilo) "Elektronika Esperantio" la plej ampleksa informilo pri esperanto.

VENONTAJ PROGRAMOJ EN MADRIDO

Laj konversacia-rondoj kiun organizas Madrida Esperanto-Liceo okazas ĉiulunde, ekde la 18.30 h, en RODRÍGUEZ SAN PEDRO 13-3-7 Tel. 91 446 80 79.

KURSOJ:

Vallecas. Pedro Hernández organizas bazan kurson, sabate je la 17,00-a horo kaj je la 18,30-a meza nivelo. Tel. 91 507 90 84/85 kaj 667 721 951 .

Tetuán. Alejandro Pareja gvidas bazan kurson en "Biblioteca Pública Vázquez Montalbán", Francos Rodríguez 67, (Metroo Francos Rodríguez). La kurso estos por komencantoj, senpaga, kaj la lecionoj okazos la mardojn je la 7a vespere. Aliĝu ĉe la biblioteko, 91 398 07 23 .

PRELEGOJ: 19an de marto. "La Fajra Festo de Valencio", ĉe HEF: Rodríguez San Pedro, 13, 3º, Madrido.

La kotizo de MEL por la jaro 2007 estas 12,00 eŭroj

Vi povas pagi la lundon en nia konversacia rondo (Rodríguez San Pedro 13-3º-7) aŭ al Esperanto Liceo de Madrid, Banco Sabadell/Atlántico konto
0081 7110 98 0001266730

ESPERANTO LICEO DE MADRID

Asociación de Utilidad Pública Municipal
San Alejandro 6- 4ºB EXT
28005 Madrid